



Broj: 0101-9956-5/19
Sarajevo, 03.04.2020. godine

Na osnovu člana 70. stav (2), stav (3) i stav (6) tačka (e) Zakona o javnim nabavkama Bosne i Hercegovine („Službeni glasnik BiH“ broj: 39/14) i člana 62. Statuta Univerziteta u Sarajevu, nakon provedenog postupka javne nabavke robe – nabavka Kompjuterske opreme, na preporuku Komisije za javnu nabavku broj: 0101-9956-5/19 od 26.03.2020. godine, rektor je d o n i o:

ODLUKU

o izboru najpovoljnijeg ponuđača za nabavku robe - kompjuterska oprema (LOT 1)

Član 1.

Prihvata se preporuka Komisije za javnu nabavku broj: 0101-9956-5/19 od 26. 03. 2020. godine i ugovor o javnoj nabavci robe – nabavka **Kompjuterske opreme - LOT 1**, dodjeljuje ponuđaču Imtec d.o.o. Bosanski put bb, 71380 Ilijaš, čija ukupna cijena ponude iznosi **60.480,00 KM** (slovima: šezdesethiljadačetiristotineosamdeset 00/100) što sa uračunatim PDV-om iznosi **70.761,60 KM** (slovima: sedamdesethiljadasedamstotinašezdesetjedan KM 60/100)

Član 2.

Izabrani ponuđač je dužan u roku od **3 (tri) dana** od dana zaprimanja ove Odluke, na adresu Univerziteta u Sarajevu, Obala Kulina bana 7/II, 71000 Sarajevo dostaviti originale ili ovjerene kopije dokaza traženih tačkom 13.1. Poziva za dostavu ponude br. 0101-9956-3/19 od 04.03.2020.godine, ne starije od **3 (tri) mjeseca** od dana predaje ponude, u skladu sa dostavljenom Izjavom ponuđača, s tim da datum izdavanja dokumenata ne smije biti nakon datuma podnošenja ponude.

Član 3.

Ova Odluka će se objaviti na web stranici Univerziteta u Sarajevu www.unsa.ba, istovremeno sa upućivanjem ponuđaču koji je učestvovao u postupku javne nabavke, u skladu sa članom 70. stav (6) Zakona o javnim nabavkama BiH.

Obrazloženje

Na osnovu Odluke o pokretanju postupka javne nabavke broj: 0101-9956-1/19 od 05.12.2019. godine, Univerzitet u Sarajevu je pokrenuo postupak javne nabavke robe – nabavka Kompjuterske opreme.

Za provođenje postupka predmetne javne nabavke, Odlukom broj: 0101-9956-2/19 od 05.12. 2019. godine, imenovana je Komisija za javnu nabavku u sastavu: Čemal Suljević, predsjedavajući, Sanel Sefer, član, Alvin Huseinović, član, a za zamjenske članove su imenovani: Enes Halilović, Bojan Crnogorac i Elma Dervišević.

Obavještenje o nabavci broj: 999-1-1-9-3-27/20 objavljeno je na Portalu javnih nabavki dana 21. 02. 2020. godine i Službenom glasniku BiH br.15 od 28.02.2020.godine.

Ispravka za Obavještenje o nabavci broj: 999-1-1-9-8-29/20 objavljeno na Portalu javnih nabavki dana 04.03.2020. godine. U „Službenom glasniku BiH“ broj: 17/20 od 13.03.2020.godine objavljeno Obavještenje o nabavci 999-1-1-9-8-29/20.

Iz Zapisnika Komisije za javnu nabavku je vidljivo da u periodu koji je ostavljen za dostavljanje ponuda, bilo pitanja upućenih Ugovornom organu putem sistema e-nabavke. Pitanje je postavio ponuđač Imtec d.o.o. na način:

U obrascu za cijenu ponude Prilog II-a, LOT 2-štampani i toneri, stavka 3: toner za printer u tehničkoj specifikaciji zahtijevate toner sa ispisom od 23000 A4 stranica koji je kompatibilan sa sljedećim printerima: HP LaserJet Pro M118dw, HP LaserJet Pro MFP M148fdw, HP LaserJet Pro MFP M227fdn, HP LaserJet Pro M203dw, HP LaserJet Pro MFP M227fdw, HP LaserJet Pro MFP M148dw. Uvidom u tehničke specifikacije printera utvrdili smo da printeri ne koriste identične tonere, također utvrdili smo da pobrojani printeri koriste identičan drum koji je gore navedenog kapaciteta. Smatramo da je ugovorni organ napravio grešku u sačinjavanju tenderske dokumentacije, te zahtijevamo da napravite izmjenu tehničkih specifikacija.

Ugovorni organ je u ostavljenom roku odgovorio na pitanje ponuđača i izvršio izmjenu tenderske dokumentacije, (LOT 2 stavka 3) te produžio rok za dostavu ponuda za 7 dana.

Komisija za javnu nabavku je dana 16.03.2020. godine u 10,15 sati izvršila javno otvaranje blagovremeno prispjele ponuda za LOT 1 jedinog ponuđača Imtec d.o.o. Bosanski put bb, 71380 Iliđa. Na javnom otvaranju ponuda nije bilo prisutnih osoba ispred ponuđača. Komisija za javnu nabavku se sastala dana 16. 03. 2020. godine, radi pregleda i ocjene ponuda, odnosno da bi utvrdila da li je ponuđač ispunio uslove iz člana 45. do 49. Zakona o javnim nabavkama koji su traženi Tenderskom dokumentacijom, kao i da bi utvrdila da li je ponuđač dostavio tehnički zadovoljavajuću ponudu u skladu sa zahtjevima iz Tenderske dokumentacije i da li su kvalifikovani za isporuku tražene robe.

Komisija je utvrdila sljedeće: ponuđač Imtec d.o.o., Bosanski put bb 71380 Ilijaš je ponudio traženu opremu iz obrasca za cijenu ponude (PRILOG II) za LOT 1 KOMPJUTERSKA OPREMA, te je dostavio tehnički zadovoljavajuću ponudu u skladu sa zahtjevima iz Tenderske dokumentacije.

Nakon izvršene računске kontrole prihvatljive ponude, Komisija je utvrdila da u ponudi ponuđača Imtec d.o.o. nije bilo računskih grešaka.

Obzirom na navedeno Komisija za javnu nabavku je sačinila rangiranje prihvatljivih ponuda prema kriterijumu najniža cijena:

Redni br. na rang listi	Naziv i sjedište ponuđača	Ponuđeni popust	Ukupna cijena ponude
1.	Imtec d.o.o. Bosanski put bb,	0,00 KM	60.480,00KM bez PDV-a 0% Popust PDV=10.281,60 KM 70.761,60 KM sa PDV-om

Kao što je navedeno u Tenderskoj dokumentaciji i Obavještenju o nabavci broj: 999-1-1-9-3-27/20 za predmetnu nabavku predviđeno je provođenje e-aukcije kroz sistem e-nabavke. Ista se **neće održati** iz razloga što je ponuđač **Imtec d.o.o.** jedini ponuđač za LOT 1 predmetnog postupka, te održavanje e-aukcije nije moguće.

Komisija za javnu nabavku je dala preporuku da se donese odluka o izboru i dodijeli ugovor o javnoj nabavci robe – KOMPJUTERSKA OPREMA - LOT 1, ponuđaču **Imtec d.o.o.** Sarajevo, Bosanski put bb, 71380 Ilijaš, čija ponuda je ocijenjena kao najpovoljnija u skladu sa kriterijumom najniža cijena tehnički zadovoljavajuće ponude u ukupnom iznosu od: **60.480,00 KM** (slovima: šezdesethiljadačetiristotineosamdeset 00/100) što sa uračunatim PDV-om iznosi **70.761,60 KM** (slovima: sedamdesethiljadasedamstotinašezdesetjedan KM 60/100)

Iz gore navedenih razloga, primjenom člana 64. stav (1) tačka b) Zakona o javnim nabavkama BiH, prihvaćena je preporuka Komisije za javnu nabavku i odlučeno je kao u dispozitivu ove Odluke.

POUKA O PRAVNOM LJEKU:

Protiv ove Odluke može se izjaviti žalba, najkasnije u roku od deset (10) dana od dana prijema ove Odluke. Žalba se izjavljuje Uredu za razmatranje žalbi Bosne i Hercegovine putem ugovornog organa u pisanoj formi. Žalba se podnosi u najmanje tri (3) primjerka.

Naknada za pokretanje žalbenog postupka plaća se Uredu za razmatranje žalbi, u skladu sa članom 107. Zakona o javnim nabavkama i Instrukcijom Ministarstva finansija i trezora BiH o načinu uplate, kontrole i povrata naknada propisanih članom 108. Zakona o javnim nabavkama BiH.

Rektor

Prof. dr. Rifat Skrijević



Dostaviti:

1. Imtec d.o.o., Bosanski put bb 71380 Ilijaš
2. Služba za finansije i računovodstvo
3. u dosje javnih nabavki
4. web stranica UNSA
5. a/a

Prilog: Zapisnik o pregledu i ocjeni ponuda